

erben ob er enist. des zinserblichen es von mir gewesen ist
Vmb Lin phunt vnd dry schilling phennig costenger müns.
dero ich von im gar vnd ganglich gewert bin, vnd enphangen
han vnd an minen offen nutz bekert Das selbe Gütli vnd hünr
gelt min recht lehen gewesen ist, von dem Erwürdigen Goghus
ze sant gallen. Danne ich im es gevertgot vnd zuo sinen han-
den braht han. alz recht sitt vnd gewonlich waz. vnd alz es
nach gewonhait vnd nach recht kraft vnd maht sol vnd mag
han ieg vnd hienach.. Vnd darvmb so han ich mich verzigien
vnd verzieh mich mit difem brief für mich vnd all min erben
freilich willklich recht vnd redlich. aller eigenschaft aller lehen-
schaft aller kuntschaft aller gewer lüt vnd brief alles rechten
Gaischlichs vnd weltlichs gerichtes aller der recht vordrung vnd
ansprachen. aller recht vnd rehtung so ich oder min erben an
dem zuo dem vnd von des vorgeschribnen Gütli vnd hünr gelt
wegen. noch zuo kainer ir zuogehörden ie gehebt habint ald noch
hinnenhin iemer mer haben oder gewinnen möhtint also das ich
noch min erben noch nieman von vnser wegen noch an vnser statt
den vorbenemten haingen Custor noch sin erben. Darvmb
niemer mer söllint noch wellent ansprechen vfftriben beküm-
berren bekrenken noch in dehain wise. beswärren weder mit
Gaischlichem noch mit weltlichem gericht noch an gericht noch
mit entainerlay andren sachen luterlich an all gefärde ich han
och gelopt vnd loben mit difem brieft für mich vnd min erben.
des vorgeschribnen Gütli vnd hünr gelt mit aller rehtung
vnd zuogehörde vnd des koffes recht wer ze sinne nach landes-
recht vnd den obgenanten haingen Custor vnd sin erben vnd
nachfomen ob er enwäre darvmb ze versprechent vnd ze ver-
stände an allen stietten gen allermenglich an allen iren schaden.
wenn wa und wie dif si darvmb angesprochen vnd vffgetrieben
werdent mit dem rechten an all gefärde..